

督用無不善物料新舊出入汝之所司至於匠人合河口漳泉者並用規制異同吾亦日來巡督可共商確卜以八月日定艤興工於是議船之尺寸一以官尺爲定蓋閩人以官尺爲足民尺一尺乃官尺八寸故舊錄長短廣狹雖有定數而論者莫知所準

船身自頭尾虛稍凡一十四丈五尺除虛稍一十二丈二尺船面除兩傍櫓部闊二丈五尺五寸艙內帶兩旁櫓部闊二丈九尺七寸船艙深一丈四尺除井眉實深一丈二尺七寸官艙比

之舊高二尺闊一丈六尺大桅高七丈八尺日桅夾以上量之圍七尺舵長三丈二尺比舊多五尺圍三尺五寸船之艤用松木取其重且能久浸也橫梁用樟木取其能翕釘也板用杉木取其能浮水也架龍棚之外有壘艤鞠河口匠欲以鐵漳泉者欲以木余兩用之鎖梁釘之外有米鎚鞠河口匠亦欲以鐵漳泉匠亦欲以木余亦兩用之蓋用鐵者取其堅韌用木者取其敷大皆協於用也船之中作爲龍骨以牽繫前後船之舳懸掛漁網以預防矢石惟梁之合板